

傳炎明熹千萬轉會費

鍾柔美唔羨慕「佢開心就得」



■有傳炎明熹將離開無線，成為各大娛樂公司的搶手貨。資料圖片

「聲夢」人氣王炎明熹(Gigi)被傳獲內地公司豪擲千萬邀過檔，好姊妹鍾柔美(Yumi)坦言沒聽過傳聞，亦不會羨慕對方，希望外界不要給Gigi太大壓力：「最緊要佢開心同身體健康。」



■鍾柔美自爆半年有出新歌。

鍾柔美、《中年好聲音2》冠軍古淖文和太極樂隊等前晚為慈善音樂會擔任表演嘉賓，已半年未有新歌推出的Yumi坦言之前已跟公司反映：「咩類型嘅歌都想試，但知道唔能夠咁貪心，一切等公司安排。」問到無線已不投放資源在Gigi身上，現在是否獲得更多資源？Yumi說：「真係會幫到我哋，都睇吓點樣幫，不過女仔都要等吓。（即係話公司幫男仔多啲？）有呀，都係努力做好自己嘅嘢。」

談到有傳Gigi將跟內地公司簽約，Yumi表示未有所聞：「我知大家好關心Gigi，我諗佢都OK，畀多啲時間佢處理同休息，最緊要佢開心同身體健康。」問到多久沒見面？Yumi說：「上次見面係上年，其實都唔算好耐，我都有半年冇出新歌。」問到可羨慕對方獲千萬重金邀過檔？她重申不清楚是否千萬：「又有話羨慕，我覺得佢值得得咁就值得有呢樣嘢，都係嗰句佢開心就得，唔好畀咁多壓力佢。」

提到她有份參演的劇集《臥底嬌娃》及《夫

妻的博弈》稍後推出，她笑言有機會想再拍劇，但最喜歡還是唱歌。談到好友姚焯菲(Chantel)跟MIRROR成員合演音樂劇，Yumi直言感覺神奇：「平日我都有留意唔同公司嘅藝人，會抱希望心態將來大家可以合作。」

古淖文相信公司做好資源分配

當晚音樂會有多位表演嘉賓，古淖文獨唱12首歌，猶如舉行小型個人演唱會，他笑言：「都係為善最樂，希望籌多啲錢。其實我唱幾多首歌都唔緊要，下次可以唱少啲，留畀其他歌手唱，最重要係可以幫到人。」

提到《中年好聲音3》三甲誕生，會否擔心資源分配出現「插隊」情況？古淖文表示很開心愈來愈多人加入《中年》大家庭，相信公司會做好資源分配。問到想不想拍劇？他坦言家住澳門，暫時不考慮。再問會否考慮在港置業方便工作？他笑言：「雖然我哋曝光多商演多，但使費一樣多，你睇我一身裝扮就知。」



■古淖文暫時無意拍劇。



■太極為慈善不遺餘力。

翠如自爆剖腹產子 發現子宮生瘤

洪永城與黃翠如昨日到中環出席新手機發布會，是翠如產後首次出席公開活動。她受訪時笑言很享受湊仔，一離開家門就透過手機看囡囡「蕭哈哈」。她自爆剖腹生產時被醫生發現子宮生瘤，幸好不影響生產，現在已經康復。她又稱為了照顧囡囡，每日都面對新挑戰，大大縮短自己的食飯和睡覺時間，但只要看到BB的樣子，就覺得一切都值得。

自稱是翠如細佬、「蕭哈哈」舅父仔的洪永城透露，於翠如產後翌日已偕家人探訪，更開設群組分享育兒心得。談到「蕭哈哈」百日宴，翠如坦言擔心最近疫情疑再爆發，可能只跟親友簡單食飯慶祝，洪永城即自薦幫忙籌備，並爆「蕭哈哈」樣子似蕭正楠，翠如則指囡囡性格似她。



■洪永城爆翠如兒子似爸爸蕭正楠多過媽咪。

陳豪打扮穩重 方便見家長

陳豪日前為男士服裝品牌拍廣告，他表示忙於拍劇及發展咖啡事業，故商務衣着是日常最佳配搭：「因為我一有空檔就去傾工作、見客，太求其畀唔到信心人哋，要無時無刻都注重細節，男人追求高品質嘅感覺，有呢啲態度先畀到信心人哋同你做拍檔。」他透露子女學業由太太負責，但自己有時間都盡量參與，希望陪子女成長：「恤衫簡約得嚟又得體，如果突然要見家長，都可以畀到『穩重』嘅感覺老師，哈哈！當然小朋友好乖，暫時有機會發生呢啲情況。」



■陳豪着重衣着的每個細節。